



1224
1225



B.B. 60. 127.

R XIII^b 60, 127.

R
3330

(13 B. 60. 127.)

E im Spiegel.

der natürliche himlischē

vnd prophetischē sehungen aller trübsalen,
angst vñ not die über alle stende gesch:
lechte vñ gemainden der Cristēheit
sunderbar so in dem sibeden Cli,
ma begriffen in kurzen ta
gen geen werden.

(Ab. 152 B. Lips. f. d. v. 1. 138.)

ca. 1509
(1409)

Acc. 3889.



Allen loblichen stendenge:

maynden vnd versamungen des hailigen reychs,
vnd der ganzen Cristenheit Erzbischoffen, Bisch-
offen, Abten, Prelaten, Churfürsten, Fürsten, Gra-
uen, Freyen, Rittern, Rüechten, Burgern ic. Wün-
schte Joseph Grünbeck ain vnuwirdiger Priester,
Fridt, ainitait, vnd alles das do dienen ist zu sele
vnd zu leibe.

A Schwirdig Wirdig Hochgebore Durchleu-
chtig Erenfest Meyß Welche auf euch fleys-
ig betrachter sindt der götlichen eer vnd zier,
Liebhaber des gemainen nutz vnd seindt iher selbst
irer nechsten oder vnderthanen Seel hayl Des leibs
vnd der zeitlichen Güter wolfardt volkümlich nach
faren die erwachen yetz So die zeitt an die thür vn-
sers gewissens antlopffet von dem schlaff der nachles-
sigkeit vnd aus der vinsterniß Der vnauffmerck-
ligkeit in das liechte der erkantnus aller übeltaten
vnoordnungen schandt laster vñ aller zerrüttung
götlicher natürlicher vnd menschlicher rechten da-
mit die ganzt welt vmbgeben ist vnd wende ire au-
gen der fleissigen auffmerckung in die güß der crüb-
salen so yetz von der selbigen schalckheit wegen an-
sicht die ganz welt zu übergeen vnd alle saman vnd
früchte der guten werck in der Cristlichen Kirchen
überwaschen verwüsten vnd aufreüten Und so etli-
che von der vngestümheit dises vngewitters bis in
die tieße des grunds versenkt werden die ellendig-
lich pflegen zwainen zeschreyen zehewlen vnd mit
ausgestreckten hennden in den himel erzittern vnd
erbißnen Die andern die von diser angst vñ noch

U-XIII-6A
Tartu Riikliku Ülikooli
Raamatukogu

25576

152744681

nit getroffen werden verlachen vnd verspotten diser
betrübten vnfall. Etlich ander haben gewondt sich
nicht vil mit traurigkeit oder freuden zubekümmern,
sunder den vngewissen aufgäng der vngesel mit einer
erschreckung vñ betrübung des gemüts ermesset. Aber
die letzten schweben zwischen der forcht vnd der hoff-
nung. fleissen sich mit iren leibe vñ gürern vnd zesterbe.
Künnen aber vnnid mügen vor der mechtigen neyd,
has vntrew aller betrügkait vnd vngerechtikait
wegen nichts oder gar wenig fruchtbars schaffen.
Die weil geschichte von solcher zwirachte wegen vñ
auffmerckigkeit vnd vnsleiß d gewaltigen das die
betrübten scheflein vñ der grausamheit solcher trübs-
seligkeit aften fliehende vñ durch alle berg vnd thal der
übeln regierung irrend müssen ellendigklich verder-
ben. Clembrwar das ir die sorg eiuwer ämpter mit al-
len krefften dahin wendet damit eiuwere scheflein be-
halten werde. Betrachtet mit der gäzen macht ewer
verslendigkeit mit allen wassen eiuwerfürsichtikait
damit die irrenden scharen in die schaffstell der an-
dacht gozforcht vnd götlicher lieb vnd gerechtikait
getrieben darnach an einer fruchtbaren waide ains
loblichen Regiments hailsamer Leer vñ güter exem-
pel ernert behalten gesetzet vñnd getrefftiget den
widerwertikaiten tecklich widersteen mögen vñ die
selbigen genzlich vñ überwindē wan furwar so ir vñ
ewer nachlässigkait in kurzen zeiten mit abweichet
wirdt geschen dz die vorgemelt guß der zerstörung
wirdt aufsteign über all gibel der eeran werden vnd
reicheümen vñ die höch des Adels d gehorsam eer er-
bietig gaistlichen vñ weltlichen militikait in de gäzen
kratz d Cristenheit wirt zu einer solch vñ verachtig vñ
verschmeichung komē. dz d niderest vñ verachtet mensch
nicht achte wirdt seine schiße an des oberste gewalts

er sey gaistlich oö weltlich höchste zier zesebyn. De-
noch vñwerfet ewre augn an alle öter d welt vñ beset-
het vñ wan die gießenden bäch d plagen fliessen vnd
wo sy sich hynwendē sein damit ir den segelerwer häd-
lungē vñ regierungen nach dem glücksaligē oö wider-
wertigen windt anziehn oö ablassen kündt. Aber soir
villeicht vor d übrigen vñsterniss d irsalen vñ zerrüt-
tügen aller cristlichen ordnungen nit sehen möchte oö
abnemen vñ wan die erschrocklich peynügen damit
wir yez in d welt geplage werden herkommen oö aber
wo sy sich hin keren geduldet mich ain Elains so wil
ich euch auf d zynter stain menschlischer synreichig-
kait d himlischen kunst vñ d götlichen häimlichn of-
fenbarungen an liecht auffslaben mit dem ir die vñ-
sterniss leichtlich erleichten vñ all vñdvertikaiten
auf d klarlichest sehen vñ darnach gänglich entpfie-
hen mögt. Aber ich erman ewer diemüttikait mit fleiß
bittende ob sach were dz in d auffschlagung des liechts
ainigerlay straffung verwerffung oö verflüchigung la-
ster schalckheit bosheit vñ vngerechtikait damite
sindbar aller Cristglanbgn menschn versamlung be-
fleck sein an gaistlich oö weltlich mich selbs nit auf-
genomen ewer oder and verwaltungen auffspringen
wölle mich durch die gütig begir so ich zu euch alln
vñ irem hail tragen bin nicht lassen von d bösen noch
redeten kläfferen verterten auflegungen meiner treu-
wen wort vñmainungen ob durch ire waffen des fal-
schen vitails oö verwerffung geweltiget oö vñderge-
drückt werden. Dann sicher so ich an diser statmeldung
thün werde vñ d menschlischen erfahrung dem einfluss
himels vñ den götlichen propheceyen als sollen sy vil
krafft habn des vorwissens halbn ind glücksalige auf-
nemug oö aber widerwertigen abnemung d König-
reichvñ Fürstentum vñ nachvollgend d ganzen Cri-

stenlichen gemayn wil ich das hicmit bezeugt haben
das ich von kainē bösen gaist des fräuels eytel eeren
neyd ob has angeplasen mich vnderstanden hab den
vesten vels darauff die Christlich Kirch gegründet ist
mit den keylen meines groben harten vnerfahren ver-
stands von ainand zeklieben noch dz fräuenlich zu
bewahren dz sant Peters schiflein ob ain tail daruon
essey ain Künigreich ob Fürstentumb sollte dem ein-
flus des himels den waren ob falschen propheceyen/ or
allen zusatz vnd on mittel vndergeworffen sein / oder
aber vo menschlichem radt oder gewalt gänglichen
verderbt werden So hab ich auch nit in meinem syne
den himel mit meinem haubt zerüren ob über die cos-
nerschläg zeherschen / damit sy kain stim geben noch
berg ob thal auf mein rucken zefassen vn die zetra-
gen sind dz ich dzs gütlich vn on allen fräuel durch
zufallende vrsachen vnd die der warhaft gleichseyn
bestatter vnd anzaigen wöl das die Künigreich Für-
stentum vn alle mächtig gemainden diser welt vnd
nachuolge sant Peters schiffel mögē nit allain durch
vil außfrüren zwittrachten vnd krieg die zu zeiten ko-
men von dem haimlichen verborgenen einflus des hy-
mels das ist von den widerwertigen schickligkeiten
vn vermischungen d Planeten die die menschlichen
corpeln auf dem bequemlichen thon d lēbliche gaistn
vn feuchteit aitn vnd zamgestimten naigungn des
gemüts in ain vngestimte vngereimbte sibilierung
der zornigen übermīgn begirlikaiten werffen sein
schaden entpfahen sind von den winden d bösen ges-
wonhaiten von dem hagel d übertretung götlicher vn
menschlicher gesetze den plizzen vn tonern der andern
schentlichn lastern so die über hand gewinnen an et-
lich gross verderbes vels also angestossen zerkloben vn
zertnischet werde dz in d tieff dee mores aller trübsa-

len angst vn not gätz versenkt gesehn werde darum
dan auch nachuolgt dz die regierung d welt in der ge-
main vn in sundheit in Künigreich Fürstentum ge-
maindn manigerlay seckt vnd gesetze aufgetait in
allen zeitlichn vn zergencklichn sachn vn zufellen sy
sein güt ob böß glückselig ob vnglückselig An d kette
des himlischn einflus vn den stricken des menschlichen
willēs hägen ist wan dzs scheinbarlichn zu alle zey-
ten gesehn wirt als offtich gross vnglückhaft zesa-
mefuegugen d oborn planetē Saturni Iouis vn martis
begeben sein vn die menschn die diser einflus betrifft
tüm mit d verminst kainen widerstand d bösen nais-
güt zu krieg brandt vn mordt das mechtige Künig-
reich vn Fürstentumb dadurch vntögen vn dīs vnz-
fals halbn die gätz Cristlich Kirchn mag betrübt wer-
den widerub zu den glücksälign zusammenfuegugen
d selbigen Planeten wachsen sy in die höchst auffnes-
nung d eren wirdn gewalt vn mächtigkeit auch der
selbigē vrsach halben wirt die ganz versamling d Cri-
sten ei frewt vñ erhöht. Wir merktē des gleichn das
die menschn somit den schilten d ainkait mit den lä-
gen d verminst vn gütten vorbeachtung ngewapnet
sein alle wintstraß der widerwertigkeit aitn von iren
leiben vnd güttern auff das weytest weg treyben vnd
hyndersich schlagen Widerum die der vichischen
synnigkeit aitn vnderworffen sein fallen vnfürsichtig-
lich in alle übel vnd verwüsten sich vnd ire vnz-
derthanen leyb eer vnd gütter Auf welcher sun-
cken der auffmerckung entspringt das klare lyecht
der gewissheit vnd das zu ayner yetzlichen zeyt
die glücksalygkayt oder aber der vnifal vnd die
auffnemungen oder die abnemungen der Künig-
reich vnd Fürstentumen vnd nachuolgent (als
offt ermeldet ist) der ganzen Cristenhait zufällic-

lich mag vorgewisst werden vñ vor erkant / Am ersten
auß hainer vleissigen ermessung vñ abnemig o vergag
nen vñ gegewürtigen ding irer schickligkeiten vñ ge
legenheiten / Zum andern aus d erfarug d himlischñ
kunst / Zum dritten auf dē haimlichn vñ götlichen of
fenbarungen vñ durch die selbig vorwissung vñ erkant
muß fürsichtig sinreich / fürträchtig regierer vor al
lem vngewitter d widwertigkeitarten also versehen vñ in
einem loblichen wesen behalten vñ bestätter werden / dē
kain wißwertiger winstrauß geschaden mög / Vñ so
dann dem also ist / wil ich anfahen auf den dreyen vr
sprünge der verwissung künftiger ding euch (als vil
mir got wirt gnade verleyhn) angezaign / was übels
was iamers / was angst vñ not / so es nicht mitt grosser
vermunt / vñ anrüssung götlicher hilffürkomen wir
det kurtzlichn über die lerd / die dem Krebsen vñ dem
Scorpionen vnd geworffen / vñ in dē selbigen Circkel
od tayl der welt / so man Clima nennet / begriffen sein
vñ nachuolgent über die ganze Christenheit kommen
wirt / vñ vil andwunderzaichen des himels anfahen.

Das erste Capitel von der verenderung aller stende der Cristenheit / die mag be wert werden aus den sichtbaren zaichen des himels.

Ach dem die menschlich schwachait mag von d
m dicken wolten wegen der flayschlichen begirli
ckeiten vnd destieffen werfels der lasser / die
verborgē maiestat gotes nit erkennen / noch die haimlich
chen vnd von der sündligkayt abgeschayden / werck
der natur begryffen / dem nach wil ich den anfang
des grüds meiner bewegügen setz̄n auf die offenbare
zaichen des himels / die ire bedeutung scheinbarlichen

vñ offenbarlichn pflegn an d̄ liecht zelegen / vñ alle
menschn verstantnuß vnd werffen. Wir lesen das bey
unsern voruordern vil wundzaichen am hymel vñ sel
sam wunderbürden auf d erden oft erschynen sein / vñ
das solch erschrocklich erscheinungen nie sein on ain
grosse verenderung d meschlichn versamlungen / König
reich / Fürstentub seckt vnd gesetze vergangen / glei
cher weis als bey den Persiern blüt regnet / es erschein
an dem himel im mittail d wolcken ain kraich / als ain
aufgend mundt / darinnen die flamen d sunen siedendt
vnd alle wolcken verschlindendt vñ verzerendt / gesche
worden Widerumb bey den Madiern ain Stern / ge
stalte aines gewapneten mans vñ auf ain rose sitzēt /
Vñ zu den zeitn d Machabeer ain wenig vor d gebur
Cristi wurden über Jerusalē vnd Rom erliche Form d
gewapneten im lusse gehähn / vñ grausame gedon der
Busamen vñ klang d waffen gehörat / Man sach auch
Cometen Kronen / blüt vnd milch regnen / nicht lang
darnach vergiengn die reich / Aber ob die selbige zeit
do sich diese wunderwerck begeben haben mit den er
scheinungen der selzamen gesichtn am himel vñ auff
der erden vñ d selbigen maniguelkeit mit dem kü
merliche betrübē wesen aller stende / dieser zeit darin
nen wir leben zugleichet mögen werden / kan ich nicht
genugsamlich aussprechn / dañ niemands mag an
derst reden / d̄ ny kain zeit verschyne sey / darinnen
so vil wunderbarlich / erschrocklich / selzā zaichen am
himel vñ auf d erden erschyne seyn / als wir yetz in un
sern tagē mit grossem erschrecke / erzittern / vñ erpidnē
gewonet sein zu schē aber w̄ got od die natur darmit
mainē / Kan vo kainē fluss d sinreichigkeit / vo kainer
menig d versteckt ait vo kainer macht d auflegung be
griffen werden / dañ dis darff ich vomir selbst als vil
mir vo got ist gnad verlichen / himlische od meschliche

ding mit auffmerckung verständigkait oder auslegung zu begreissen veriechen das die wunderzaichn nemlich die Formin figur vnd gestalt tragen des Creutz vnd der andern waffen des leiden Christi vnd tropffen weyß von himel in die leynen klaider fallen sein in Kainerlay weyß on ain erschrockliche bedewlung wann so die aus der werckstat der natur fliessen das ist ir materi künste aus aine truckenen haissen tunst vñ vom erdrich auff steyget bis in die oberst region des lusses vñ vom feür angezündet vñ hinder sich geschlagen bringe in der mitlern region ain feuerchristkait an sich felt also tropffen weyß vnd aschein farb in die gemelten leinen Klaydungen darnach die auffliessung in die vorangezaigten figuren des Creuzes vñ der andern waffen des leidn Christi geschichtet natürlich ist nichts wunderbarlichers künftig dan die würckungen die daraus entspringen mögen ist aber sach das die nicht aus der werckstat der natur sunder aus dem götlichen willen (das dan auch basz zu glauben ist) auffliessen geschicht das sy als balde etwas gutes als etwas böß bedewten sein wann der barmherzig werckmaister der welt ist alle zeit gegen uns ellen den tödtlichen würmlein das ambt aines gürtigen vnd gerechten vaters volbringen der seyne Sünde die zu allem bösen genaiget sein fleiste mit güttigen ermanungen von den vnzüchtigen sitten vnd gebärden vñ von allen vnzimlichn lastern abzeihen So er aber mercket das sy nicht gross auffmerckung haben auff söllich hailsam ermanungen sunder für vnd für sicht er ansy mit rüttten zestrassen vnd so er auch durch diese strasse kain frucht bey inen erziehe kan zeucht er gegen inen aus alle zaychen der Gütekait vñ versüenung da mit er sy in den weg von der üppitkait vnd iren sündigen schnöden leben abzieche.

Aber es wil weder die Gütekait noch die hertikait an innen helfen hebet an sich zuerzürnen vnd zwitzen vñ sym mit aller grausamkeit auffiagung auf dem väterlichen hauss vnd allen wollusten in das ellen de zueruolgen So die aber das ellende versucht haben vnd trettende in die pfadte der guten sitten tu getten vnd aller loblicher werck kommen widerumb zum vatter vnd erkennen sich der übelthat werden sy von une mit grossen freüden vñ wainen widerumb auffgenomen vñ mit vil grössern vñ fruchbarern frei haiten viterlicher lieb vñ der erbschafften für die andern begabet Also auch der selbig almechtig ewig väter hat uns mit vil bösen schnödn lastern besleckt yetz lang mit senfmitigen widerwertikaiten ermanett so wir aber die selbigen väterlichen ermanungen mit verachtung hindersich schlähren vnd versencken uns ye mer vnd mer in die tieffe der sünden hat er etwas ain grossen ernst angefangen gegen uns zu führen vnd unsrer bosheit zugayseln mit der pistilenz dem hunger krieg vnd andern grausamen plagen Aber so uns die selbigen straffen auch gar nichts pflegen von dem sündigen leben ab zuwenden hatt er ander gay seln zu uns gemacht damit wir täglichen geschlagen werden vnaimitkait falsch vnd vntrew zwischen allen ständen der vngläubigen als der Tartern Turcken vnd ander einfel in unsre lender wegfürung des volks vergiessung des Cristenlichen blüts bezraubung vnd auffbrennung der Kirchen schwachung dünckfrauwe kind vñ frau wñ aber unsrer verzwey flung acht wider diser noch ander straffen sy begegnen wie manichfältig vnd grausamlich sy wölle werden sy alle verachtet wan unsrer verstockte blindheit ist zu diser hertikait des herzen kommen das sy kain vnderschaidt hat zwischen dem Glück vnd dem

vnsal zwischen der frewde vnd traurigkeit zwischn dem liecht vnd der vinsterheit zwischen dem zeitliche vnd dem ewigen zwischen der erberkait vnd schnödigkeit frumkait vnd laster. Die frumkayt wirt mit kainerlay belohnung ergezt. dann die laster mögn mit kainerlay gaben erseitget werden. Darumb alle tödliche menschen nit anders zu der schalckait dann die lauffenden pferdt pflegen zu ainem zill bezwungen vnd getrieben werden zelauffen vnd zeyln. Es wirdt also übel vnd schentlich in der welt gelebt das die tödlichkeit zu kain vergägnen zeit nie so schnödlich gelebt habe gesehen wirdet. Es ist kain standt kain manlicher oder weyblicher stam kain alter das nitt der vnlauterhait trunkenhait hochfart geyzt. Kait vñ allem schnödem gewin vnder geworffen sey. Item die bosshait vnderstet sich laider nicht allain die glori vñ eer des almechtigen hie auferden durch die vnderdrückung der tugent auff zetilgen sunder die ewige weisheit selbst mit dem waffen der verfluchtung vnd mit dem geschütz der vermaledeitung vñ aller goglesterung von dem himel zestürmen aufzwerffen vnd in die hellischen see zinnesencken. Darumb die ewig gütigkeit die mit kainer soll mit kainer mas noch kainem ende begriffen mag werden nicht wil das der mensch sol verdampt werden sunnd hailwertig schüt yetzundt auf in die mit vnser zweyflug die erwirdigen zaichen des hailigen Creüzes die zaichen der tröstung die noch in diser stundt von hymel fallen in die leynen kläider vnd eygenclichen enden an den altarn in die Corporal. Die auch fallen auff die gerechten vnd vngerechten wirdign vnd vnwirdigten vnd in die kläider die dem stinken den leyb anligen vnd von dem selbigen ain wüschte entpfahen damit wir vnser bosshait vnd seinen götz

lichen willen vñ gnade die er vns noch welche stunde wir vns anderst zu ym kerren wollen erzaigen will erkennen sollen. Er manet vns so wir aller güt hat die er vns von anfang unsers lebens erzaigt hat verzessen allain seines hailigen vnd bittern leydens in gedenck wollen seyn wann die erentreich marter Cristi ist ainer solchn krafft das sich kain mensch ersey dan staynen oder eyssen vor den vngestümigkeit des mitleidens vor dem zifluss der zeeher vor dem gewalt rew vnd layds vor dem feür der lieb in der rechten betrachtung enthalten kan von der menig der Gedechtniß des bittern sterbens Cristi wirdt alle herkeit des herzens erwecket vnd die vinsterheit vnser blintheit wirt gentlich dar durch erleichtet rayze vns darumb der gütig erlediger durch diese wunderzaichen des Creüzes zu d̄ hailwertigen gedechtniß sein vnd seines leydens durch welche wir auf allem vngewitter der trübsaln angst vnd not mögen erleidet vnd zum letzten ganz selig vnd hailwertig werden. Demnach dann auch mag beschlossen werden das diese wunderzaichen verbotten sein d̄ ewigen selkayt. Aber wie wie vnser herkeitigkeit we vnser verstoppfung des herzens we der vntrew schalckaitt vñ bosshait darmit die ganze Cristenheit umbgeben ist. Mit was eer erbietung mit was zier andacht mit welchen lucern d̄ tugent vñ gütter werke entpfahen wir die gesandten d̄ ewigen fursichtigkeit vil mer treyben wir sy ab mit vnsern goglesterungen verachtügen vñ verspottügen. Darübsein sy vns nichs güt. sunnd als übel bedeuten vnd sicher grausamer plagen als byßher nie sein in der welt gesehen worden. Ich besorg bey dem lebendigen got. ditz sey die zeit der trübsaln der angst vnd der not darinnen der hailigen vater propheceyn sollen erfült vnd die Cristenheit manig b

feltiglich zerknycht werden. Ich besorg es wer d vns
Criste dirz begegnen das den Juden in zerstörung ihrer
hoch vnd zier begegnet ist. Als die selbigen sahen vnd
horten vil selzamer wunderzaichen am hymel wie
vormals gemeldet ist reyter im lufft mit guldñ stollen
vnd spiessen mit ainander scharmüglen hortn im hei-
lichen tempel gottes wunderbarlich vnd erschrocklich
sauf vnd bewegungen vnd verachteten die ding alle
am lesten ward die stim im zugang des tempels ge-
hört wir wollen von dannen zichen baldt darnach
zergieng das Jüdisch reich. Ich fürcht gleicherweiss
als die wunderbarlich stym wir wollen von dannen
zehn bedeutet het den abzug der götliche gnade vom
Jüdischn geschlecht. Also die erscheinung der Creüg
zaichen so wir die verachten vnd verspotten wer-
den bedewten den abgang der selbigen gnade gottes
von dem Cristlichen volk. Und als die barmherzig
keit gottes ließ solch wunderwerk zu Jerusalem in d
haubtstat der Jüdischait geschen. Also yetz zu vnsern
zeiten last er dergleichen wunderzaichen in teutschñ
landen dem haubt oder herzen der Christenhait erschei-
nen vnd auch als die priester entpfunden am ersten
die wunderwerk vnd in dem inderesten tabernakel
der hailigkeit vnd die zerstörung gieng auf vom tem-
pel also yetz sehen wir priester die wunderzaichen am al-
tar in d götliche zier vñ wir sein die erste die dise göt-
lichen vorboten verlach a besorg ich aller vnsfal wer d
von der Kirchen aufgeen die ganz Christenhait vmb-
geben Darum so wir nicht bald vmbkeren vnd ab-
weichen von dem weg der vngerechtigkeit in die füss-
stapfen der gerechten menschen besorg ich wir wer-
den in dem werfel der trübselikaiten ertrinken das
rinnen die erstockt iudischayt versunkent ist vnd
fürwar wenn ir die exbarmelich zerrüstung der gan-

zen Christenhait aller loblichen gewonhaiten ord-
nungen vnd gesetzen das ellende aller stende die
manigfelickeit der plagen die verenderung der zeit
vnd alle selzam zufell zu herzen nymt habt ir dʒ
liecht begriffen mit dem ir durch de vinstern nebel al-
ler beschwerungen leichtlich kommen vnd all vngefel
so noch künftig sein scheynbarlichen sehen darnach
ob ir wölt auch entpflichen mögt darzu mag helfen
die hailsam ermaning des hailigen fürsprechen vnd
propheten Christi der yetz in form vnd gestalt des
propheten Ione durch alle Stett Franctzischer
vnd Welischer lander predigent die Christen eleg-
lichen ermanet biß zwürcken vnd sich zu Gott ze-
keren wann das ende der welt nachhet er zu vnd die
bach der trübsaln werden die ganze Christenhayt
yetz übergeen welches wordt hab ich zu bewarun-
gemeyner reden hyerinnen ayn tayl wöllen begreyf-
fen vnd sein die.

Das ander Capitel vonder
besättigung der vorgesagten dinng aus der predig
des haylichen mans propheten vnd fürsprecher Cri-
sti der yetz durch alle stett Franctzischer vnd welli-
scher landt predigett die menschen eleglichen an-
schreyt vnd vermanet biß zwürcken vnd sich
zu Gott zukeren wann die bach der trübsalen wer dn
yetz die ganze Christenhait übergeen.

Erwachtir Cristen menner von dem schlaff v̄ sünzen
v̄ schneydet auf die bandt ewrs gehörs v̄n aller
ewer sinnen vnd vernembt meine wort mit fleyß. Da
rūb das ir die gebot gottes v̄n das götlich wort habe
abgeworffen in die grüben der vnsäuberheit der ver-
gessung vnd verachtung vnd habt angefangen in der
übung der eugentnarrisch vnd nachlessig aber in d̄
boshaft ganz weis listig vnd fürsichtig zesein alle
billigkeit v̄n gerechtigkeit zuverkern in dem schwaſſ
vnd blit der ellenden vnd betrübten witwen v̄n waiz-
sen truncken zewerden das hayratgut Cristi in der
wolüstigkeit des leibs zimersch wēdē. die vngesäumte
flayſchlich begir mit dem eebbuch vnd schwechung d̄
iunctfrauwen vnd aller vnzimlicher vnd vnnatürli-
cher vnlauterheit widerūb ewere vnausprechliche gei-
tigkeit mit allem falsch vntrew raußen vnd stelen
ziersettigen Und die Kirchen ist durch ewer boshaft
wordn ain haſſ des raubs diebrey vnd mōrdrey in
welchem nicht gesungen werdn die lobgesang des her-
ren ſinder die goz leſterung vnd die goz schwerige
lobgesang des teufels. Darūb ſindt noch wenig tag
vnd die cristenliche ſtet werden fallen biß zum gründ
der vſachenhalben klaider euch mit den ſecken d̄ büſſ
rew vnd layd. Vn von dem maſten biß zum minſtn
lauffent dem herren entgegen mit ewerm waynen v̄n
klagen So mag geschehen das er ſich über euch als
über die Uliniuten geschehe ist erbarme. So ir aber
nit werdt büſſ würcken werdn die tag der crüſalen
angst vnd not schnelliglich erscheinen von welcher
angesicht ir fliehent an den geſtatten die flüsſ d̄ was-
ſer werdt anrufen damit sy ewer leben gütlischen ent-
pfahen ir werdet die hōch vnd abschiff der berg an-
ſchreyen damit sy ewer corpelein in der abſellung lind
lichen abweſzen. **I**tem ir werdt die baum in den

welde mit waineten augen anbeten das sy ewer hals
an ire nest lassen gehangen vnd von den voglen ver-
zert werden. Es wirdt ain ſollich heulen v̄n ſchreyen
vnd den Cristen erſteen das ainer zum andern sagt
wirt. war nit besser wir wārn in miter leib vertilgett
worden allain es werden etliche neydisch menschn ge-
fundē die diſe rede des hailigen mans verargen wol-
ten vnd ſagen die propheten (als von vil vnerfaren
mēſchē geschicht) wārn yetz läg rode es künd niemāts
mer künſtige ding ſagen dan die Astronomi ſchrey-
ben auch alle erlogne ding die ſelbigen feynde d̄ war
hait mögn in kainen weg durch dz giftirer falschait
grobheit v̄n vnuerſtendit ait für kume damit d̄ fluß
der ewigen gütigkeit nymer ainſluß den frumen men-
ſchen die gnade künſtige ding zwifſen. Sy werden
auch die haimlikait der lōblichen kunſt der astrono-
mey darmitt nicht aufreytten ſo loben dennoch auff
diſe ſtundt die propheten wan was sy vorgesaghabē
von den gaſſlungen der in den von ires reiche veren-
derung vnd umbeterung mag auff die ganze Criftli-
che Kirchen vnd alle ire glider künigreich vnd Für-
ſtentumb gezogen werden darzu grünert alzeyt die
menschliche ſinreyigkeit die von ainē klainen glätz
der götlichen erleuchtung angezündet vnd erleuchtet
mag auff der zergencklichen dingen aygenſchaftē vil
künſtige ding abnemen. Darumb besorg ich die pre-
digē des hailigen mans ſein zu vil warhaftig vnd
mitt ainem ſolchen gründenderbulzt das sy nicht
leichtlich mögen widergetryben werden vnd diſer zu
uerſicht halben wil ich weiter die bestattung meiner
maynung volziehen.

Das dryt Capitel von wann

die gemain sag entsprungen ist / dass sant Peters schif
lein sol zu disen iaren an vil fels vngesell zerstossen/
vnd die gott ergeben sein / manigfältiglich be-
trübt werden.

Je gemain sag / dass sant Peters schiflein zu
diesen zeyten sol an vil fels der vngesell zerstos-
sen vnd die gott ergeben sein / manigfältig-
lich betrübt werden / ist weder heut noch gestern ent-
sprungen sunder vil zeyther von den menschen getri-
ben worden / so wirdt noch diese stundt / weder in den
versammlungen der menschen noch vnder suntern per-
sonen ychzit öffter noch vo marnern / noch vo frau-
wen gebraucht / dann ditz wordt / das diß die zeyt sey /
das sich die weltligkeit durch die verbenkniß gottes
sol mit der kirchen güter vermischen vnd vergiffen /
Und der vrsachen halben die gaistlichkeit allenthal-
ben mit neyd has / veynschafften / vnd aller veruol-
gung durcheinrichtet werden / Es sollen auch vil kirchen
biß in den grundt verfallen / Aber es ist not / das man
den vrsacher oder erdichter aines solchen geschreyßer-
fare / das ist warhaftiglich gegründet / das die frö-
men flechten menschen vnd aines mittelmessigen
verstandes vil künftige ding auf den haymlichen
götlichen offenbarungen sagen mögen / die sy pflegen
auszusagen vnd außzubrayten / damitt sy / aintwe-
der die bösen menschen erschrecken vnd von lastern
entziehn / oder aber die fromen in der liebe der tugent
vnd güter werck behalten / Es ist auch nichtt myn/
der die bösen / vnd die verferten Sün des teufels / mö-
gen auf des selbigen eingeben / vil samen des neyds /

has / zwytrachten / veynd scheffen / Krieg / morde / vnd
brandt / vnder der gestalt der propheceyen / in die ge-
mayn ausschütten / damitt alle mennschliche vnd
göttliche ordnungen zerüttet werden / vnd die laster
die ganzen welt übergeen / Aber wie wol die bösen
gässin nicht auff hörendn bösen vnderdruckern der hei-
ligen göttlichen gerechtigkeit / betrübungen vnd dur-
schechungen der frommen menschen einzugeben /
vnd die samen der zerstdungen des ganzen men-
schlichen geschlechts / durch die ganzen welt alle stun-
de zuseen / Es ist auch kain zeyt do die ewig gütigkeit
auff höre / den fremmen die gnade vil künftige ding
zu wissen / mit zitäilen / yodoch / wann ditz ganz klar
ist / vnd allen menschln wissende / das niemalts übels
in der menschlichen natur ist geschen oder gehör vor-
den / dann die unmaß des lebens / so yez von allen men-
schen sunderbar von vms Christen gebrauchet wird
hyndan gesetzett die hymlichen offennbarungen / so
den frommen menschen geschehen / oder aber der bö-
sen erdichtung / der die menschlichen erfahrungen ain
wenig begriffen hatt / vnd die hymlichen kunst / vñ
der haylichen propheten häimlichkeit erfarn / mag aus
den dreyen wegen künftige ding sagen / das ist aus
den gelegenheiten der vergangnen vnd gegenwärti-
gen dingn iher wolbrauchung / oder missbrauchung
aus der Kunstu astronomey vnd göttlichen häimlichen
offenbarungen leychlich abnemen / was über die welt
die Christenhayt / ain Künigreyche oder Fürsten-
thü / güt oder böß künftig sein solle / Und das mag
so cheynbarlich vnd vestiglich bewart werden /
das die selbig bewarung oder bestätigung / den ge-
waltt gottes allayn aufgenommen vnd den freyen
willen / so er mit gäzen Eresten durch die gnad got-
tes bastacett / den bösen naigungen widersteen / durch

Kainerlay widerstreitung der ainsinnigen vñ hertne
ctigen menschen mag zerrütter werden oder gekrentet
von dannen ist aufgeslossen das geschray von der ver-
wüstung der kirchen vnd betrübung der gaistlichen
welcher gemainen sag vsach oder erdichter ist gewe-
sen / ain frümmer gerechter weyser man / ains gerich-
ten herzens aines lautern gewissen / vnd ainer brin-
nen den liebe in got / der auf den selbigen dreyen abne-
mung der künftigen ding / das geschray hat lassen al-
so aufgeen in die gemain / welches füßstapfen nachhol-
gen wil ich in ordnung nach ainander / vñ durch drey
erlai bewahrung anzaignen / was die selbigen vngesell
sein werden. Doch so ich der gaistlichen widerwertig-
keiten auch ain tail darinnen begreissen wirdt / solln
sich die weltlichen nicht zu fast erfreuen / wan von ai-
nem yetzlichen bösen / dz über die gaistlichen geen sol
werden die maisten trümmer an die layen springen /
Vñ ob die gaistlichen am ersten trincken werden den
kelch der trübsal / so werden doch die weltlichn alles
das am grundt saurs bleyben wirdt mitsamte den
heppen aussauffen müssen.

Das vierd Capitel von ð be- trübung wegen der Cristenhait / die auf verwanlichn vsachen der bösen sitzen vnd gewonhaiten der mens- schen genomen mag werden.

Go der boshaftigkeit vñ der allen verdampten me-
schn durch die verhenckmisgotes auf der hell er-
stunde / vnd in die welt käme / damitt er sich ain zeyte
lang / vnder sein verwanten gesellen vnd freünden / in
allem zeitlichn wollust erfreuen solt / so er sicht ab sei-
ner mit gesellen so schnellen verenderungen / vom güt-

ten zum bösen verwunderen würde / vnd hindersich
zaufen / ain missfalln darab habent / trachten / damit
er sich in ain ander wesen / alser vor augen sehe / ergeb
waner anfieng sich vmb zusehen / in was gestalt ain
yetzlicher stand sein leben hinbracht / vnd mitt was
übung vnder der ermessung aller orden der wridkai-
ten vnd vñwridkaiten / des reichtumbs vnd der ar-
müt / arbeit vnd misfgeung / als bald wurde er ver-
senkent in die tuncel vnd vngewissheit aller ding /
do er das ware von dem gelogen / das güt von dem bö-
sen / das groß von dem klainen / das schlecht von dem
krummen / den schimpff von dem ernst / das gegewür-
tig von dem verganngen / nicht leichtlich erkennen
möcht / wann furwar die wort / werck / vnd geberd /
der brüder gegen den brüdern / den Ayden gegen den
schwehern / der kinder gegen den altern / sind also mit
dem falsch vnd vntrew verwickelt / das kainer den an-
fang / das mittel / oder das ende was aines yetzlichen
mainung oder handlung sey / leichtlich abnemē kan /
damn wovil ainer in den ganzen kraik der Cristen-
hait / yetz als ain hohn stand / begreissen / der mit dem
leicht der lieb gotes / dem schein der gerechtigkeit / des
glaubens vnd vertrauens also klar vñ durchsichtig
ist / als er bilichen sein sol / widerumb wo wirt als ain
schnöde nydere aigenschaft des standes gefunden /
die mit den facteln der vnschulde / trew / vñ gehorsam
also sichtbar ist / das nicht ain nebel der hoffart / vnge-
horsam vntrew / vnd schalckheit darbey gefundē wer-
de. Desgleichen welcher ist mit sölchern reyctum vñ
geben / der seine hende enthalt von dem blütigen gelt
so er einen pfennig mit vnnrecht übertomen mag /
widerumb / wellicher ist als arm / ellende / vnd arbeit
fähig / der den ayd vñnd das glübt / vñuermailigt in
seiner schoß behalde / so er seinen nächsten in dem minz

sten tail ains hellers überfüren vnd betriegen kan
Aber we vns allen wofindet man als ain hailigen
mennschen er sey wölches stande er wöl der soer die
billikait gegn der schalckhait alweg ist mit der grös-
sern tail von der böshait in seinen schwaiss legen vnd
darinnen behalten sey. Es düsstet iung vnd alt/arm
vñ reich/weltlich vnd gaistlich nach dem gelt es sey
mit was böshait do wöl oder schentlichen wücher ob
gewin überkomē wordn. Das golt wirt allain yetzūd
an gottes stat geert mit dem got werden alle Thüren
vnd Schlosser der gerechtikait bezwungen mit dem
golt überwindn die Lebrecher unctfrawn schwecher
Kirchen brüchel mörder verräter vnd alle ander böss-
wicht alle götlich menschliche vñ natürliche gesetze/
Durch dz golt werden die Gauckler stebel trager sprin-
ger thoren vñ narrē gefür dert zu den höchsten amb-
teru stenden vñ wirdigkaiten Es geschicht auch dz
vo ainem klainen geschütz des goldes vil mechtiger her-
ren herten gestürmbe vnd überwindn werden vñ
so die höchste weishait auf dē ertdrich kain golt mitt
ir trüge vnd kóm an was endes y wölte sy wurde al-
lenthalbn aufgeiagt angepfissen vñ gewispeilt So
auch die frümktair vñ erbarkeit zugesellen allen tu-
genten vñ künsten der welt an aines reichen haus an
Elopfseten vñ nicht gelt heten sy wurden mit aller vi-
gestümbe vnd allen vnzüchten darun getrieben Ich
fürgee mit schweigen den vnflat s vnlauterheit hof-
fart fresserey vnd fullerey vnd der schentlichen trü-
ckenheit die alle stende alle geschlecht alle alter von
dem iüngsten bis zu dem elisten übergangen haben/
Darumb so ain solche vnoordnung zerrüttung vñ zer-
störlichkeit die ganz Cristlich gemain vmbgebē hat
Der von der helle kommen wer wünscht ym kaynen
stand er war auch wie hoch er wölt yetz in der welt

anzensemē er erwölte ym ee in den hölen der wilden
Thier der Bern Schlangen vnd Scorpionen als
bey den vntreuen menschen diser welt zwonen Ist
dan möglichs das ain solcher wunsch der böshait ewig
klich weren mög oder der ewig schöpffer wirt das ge-
stant vñser schaltkaitt alwegen in sein götlichs an-
gesicht auff riechen lassen in den himel mag nicht ge-
schehen das sich die vntrew falschait vnd getrüg-
kaiten selbst an ainander verderben vñ zerknischn
Vñr allain vñsere Gemüt sein mit ainem dicken ne-
bel der vnauffmerckung vnd vnschikligkait vmbge-
ben mag nichts anderst gesagt werden dann es kün-
nicht lang absein es müssen vil grosser plagen so wir
vns anderst nicht zu Gott wenden wollen dann bish
her begegent sein über vns kommen das ich dann
auf natürlichen vrsachen wie hernach volget anzai-
gen mag.

Das fünfte Capitel von der anderen bestättigung der Christlichen trübsalitay- ten auf den vnmisteriessen der Sonnen vnd des Mons vnd auf den grossen zusamensfügung der obe- ren Planeten.

Er aber sach das die vnuerslendigen die an
w zaigten verwirlichn vrsachn nicht wöltan an-
nemen surz verachte vnd verspottē diemö-
gn ir begreiflikait laiten in die werckstat der natur
vnd abmercken ob nichtt lauter vnnid klar vrsachen
c ij

solcher trübsalikaiten darinnen gefunden werden. Sicher nicht salen mögen ist das anderst durch die warheit vnd offenbarlich erfaring gegründet vnd all Arabisch Caldeysch Egyptisch Kriechisch vnd Latynisch weyzen warhaftiglich bezeugen / das diese tödlichkeit / das ist / alles das im umbschwayff der vier Elementen begriffen ist / werde vom gestirn oder einfluss des hymels regiert vnd gelaiert vnd das die planeten würcker sein aller zergencklichen vnd zerbrechlichen ding auch nach den allermisten zuellen / vñ das all form figuren vñnd gestalt der vndern ding von den himlischen bildnüssen gebildet werden / müß ain yezlicher er sey wie aius klainen verstandes er wölle verichen. Die vinsternüssen der Sonnen vnd zusammenfügungen der obern Planeten haben ain gross se krafft in der verenderung aller vndern dingen / ditz ist das Proloemius im andern blich seiner vierdentahlung am ersten Capitel vnd in seinen hundert redē erklärt / das der hunger / die pestilenz / krieg / erdbide grosse gewesser / grosse hitz / kelte truckenheit / gross windt / verendrungen der gesetz / vnd der seckt verwüstungen vñ zerstörungen der Königreich vnd Fürstentumb mögen auf den vinsternüssen der Sonnen vñ des mons vo bläder liechter vermischung wegē vñ irer schicklikaiten vorgewist werden vñ von den obern planeten zusammenfügungen / nemlichen als Haly sagt / irer langsamten bewegungen halben grausam verkehrung der menschlichen sachen aufstiehn / vñ so dan die vergangē zeit vil sölcher vinsternüssend Sonne vñ des mons / des gleichen vil zusammenfügungen Saturni Iouis vnd Martis begegnet sein / anfentlich im dritten Jar über das fünfhundertest / dē achtentag des October / die drit stude / dreissigest minuten nach mittag hat sich die erst gross zusammenfügung Iouis

vñ Martis begeben / im fünftgehenden grad des Krebsen / Darnach den vierundzwanzigsten tag des selbigen monats / die zwainzigest stude / vierunddreissigest minuten nach mittag / sein Saturnus vñ mars im zwainzigsten grad des Krebsen zusammen kome. Zum dritten ist Saturnus dem Marti zugesfügt worden den aulsten tag Decembrius / die drit stunde / vierde minute nach mittag in dem achzehendn grad Cancri. Zum vierdn sein Jupiter vñ Mars zusammen gelauffen im vierden Jar nach dem fünfhunder ten / den vierden tag des Janners / die fünftzehent stundt nach mittag im neünden grad des Krebsen. Zu dem fünften ist Jupiter zu dem Mars kome / den ainundzwanzigsten tag des Februarij / die zehent stundt nach mittag im fünften grad des Krebsen. Zum sechsten habē sich Saturnus vnd Mars umbfangen / den achzehenden tag des Merzens / die zehende stundt vñ achtundvierzigest minuten nach mittag im dreyzehendē grad des Krebsen. Zu sibendn habē Saturnus vñ Jupiter ainand gegrüßt / den zeheden tag Junij / als die Son im mittel des himels gestanden ist / in dem zwainzigsten grad des Krebsen / über das wirdet im gegenwärtige Jar / am zwäudzwanzigste tag des Monats Augusti / ain zusammenfügung werden Iouis vñ Martis / darumb nachfolget allain die ganze maiestatt der natur vnd alle übertreffung der Kunst / vnd alles das in diser tödlichkeit mit den sinnen / vñd vernunft gehandelt wirdet / sey ain eycklait das über die gätz welt ain grosse verenderung geschehen wirdet / wann als got die welt beschaffen hat / ist d Krebs / in dem sich diese zusammenfügungen der Planeten gemeinlich begeben haben / das aufsteigent zaichen gewesen Aber in sunderhauft werden die wirkungen geen über die Cristenhait / nemlichn die Königreich / Fürstentum /

vnd gemainden im sechsten vnd sibendn Circkel der
welt soman Climata nennet vnd dem Krebsen vnd
der geworffnen sein erfüllt. Und wie wol etliche würtü
gen der vünstermüssern vnd der grossen gesamensfügū
gen der obren Planeten sein yetz langst volbracht wor
den wan die grausamkeit der krieg des raubs des
brands der morderey ist durch das ganze norick bis
zu den flammen vō den selbigen gegen welsch landn
bisch an das Mdr vnbis in Hungern gewandlet vñ al
so erschrocklich das schier kain haß an den enden ge
funden ist wordn es hab den windstraßentypsumde
in etlichen gegenteen hates gestorben. Es sein auch vil
grosse heubter vndergangen den die Constellation
dise vnsfal getröt habn. Aber von der schicklikait we
gen einer yetzlichen Coniunction in sunderhait seyn
noch vil hagel vngesell vorhanden die yetz über die
vorgemelten gegen der welt kommen werden die sindt
anscheinlich von der ersten Coniunction wegen Iouis
vnd Martis do sich Jupiter im endt Mercurij er
höcht hat vnd Mercurius hat die zusammenfügung vō
dem selbigen haß des Kriegs mit der vierden vñ wi
derwertigen anschauung angesehen desgleichen ist
Jupiter von Saturno vñnd Marte in seiner erhö
hung vndergedrückt worden Dennocht haben sich
die obren drey Planeten in dem zehenden haß über
Mercurii erhebt zwytrachten veynschafften Krieg
pestilenz betrüglikaiten vnder gaistlichen vnd welt
lichen iungen vnd alten frauwen vnd mannern hoc
chen vnd ni dern die ain tail in iren aygnen heüsern
ain tail von außwendig entspringen werden von der
anderen zusammenfügung wegen Saturni vñnd Mar
tis do Jupiter hinder gengig von Saturno vñ Marte
ist vndergedrückt worden aller götlichen men
schlichen vñ natürlichen rechten vnd in der gemayn

der gewaltigen vnder drückung vnd verderbung von
der dritten samenkombinng Saturni vnd Martis im
zü haß des reichtums do Mercurius aus dē haß
des tods incen widerwertig ain herr des aufsteygen
den zaichen gewesen ist vnd die drey Planeten hinder
gengig haben den Won im fünften haß mit der vi
erden anschauung vndergedrückt niderwerfung sen
cken vnd todschleg der kauffleit zerstörung etlicher
Fürstentum gemainden Stet vnd schlösser durch dē
aigen nutz von der vierden Coniunction Iouis vnd
Martis in dē neindn haß volbracht darinnen sich
Saturnus enthalten hat vnd der Mars ist über den
Jupiter vñ Saturnu erhöht widerumb vonder fünf
ten zusammenfügung Iouis vnd martis in dem selbi
gen haß do Mars auch der oberst gewesen ist wer dē
etlich amder trübsalen begegnen abgang götlicher
gotforcht der gehorsam vnd aller gaistlichen miltig
kair beraubung der Kirchen verbrennung der gaistli
chen güter vergießung des Christlichen bluts an den
hailigen stetten vñnd vil ander grosse vngesel von
des sechsten zamelauffs wegen Saturni vñnd Mar
tis der im haß des tods geschehen ist als mars über
den Jupiter vñnd Saturnum erhöht ain herre des
aufsteygenden gewesen ist vñnd der tracken sch
wanz ist auch im mittel des hymels gestanden wy
derumb von der sibenden grüssing wegen Saturni
vñnd Iouis im mittel des hymels do sich der Jupi
ter über den Saturnerhebbarat desgleichen von der
vermischung wege des Jupiter vñ martis die sich in di
sem iar begebē wirt werden von alle enden d' welt solch
grausam hagel der plagen entspringen vñ sich über
alle Königreich vñnd Fürstentum (wie oft ermel
det ist) die dem Krebsen vndergeworffnen seyn auf
brayten Das die selbigen vngesel mit kainer zall der

bücher noch ainiger aussprechung der zungen mögn
begriffen werden. Es werden gaistlich vnd weltlich
irerostige schwerter spyß vnd stangen witern vnd
mitainer flammen der grausamheit weren die hew-
ser vñ die Eirkn verbrent werden. Cristus wirt kaum
sicher sein in des priesters hande also wirt der cristen
blinchait allethalben witten gegen den glidern ires
aignen erledigers Cristi vnd von dannen werdn die
streichenden bäch der verderbung auffliessen in die gätz
Cristlich gemain wan sicher so das gederme mit sch-
merzen beladen ist geschicht das die aufwendigen
gelider auch leiden seit Also wen diemittern lend der
Cristenheit Teutschche welsche vñ Frantzösische lend
die in dem Cristenlichen corpel die maisten haubtgli-
der sein Welsch lande von des stathalters wegen Cri-
sti des haubt Teutsch lande von des Kaisers wegen
von dem alle löbliche feuchtigkeit der beschirmug vnd
behaltung der Cristenheit ist auffliessen das herze
Frantreich von der nähe vnd der gerechtigkeit wegn
darauf beiden landen hilff vñ trost entspringē mag
die leber werden mit ainigerlay vngewitter der wi-
derwertigkeit erschütter Kan nicht absein die auf-
wendigen lenden Hispania Lusitania vnd Sarma-
tia müssen diser bewegung auch ain tail entpfindē auf
welcher vrsach geschicht das die ganz Kirchen leyden
mag. Und furwar so wir dem scepter der sinlichkeit
völle alwegē als wir bis her gehö habn gehorsam
sein vñ wollen vns nicht mitt gantz krefften der ver-
mifft vnderwerfen ist nichts gewissers dan das dis-
se vrwitter der trübsale so ich yet zerzelt hab vñ noch
vil gausamer als man geschreibn kan über Teutschche
welsche vñ Frantzösische lander nachvoltage über die
gätz Cristenheit komen werden Darüb wolgesprochn
mag werde sant Peters Schifflein hab sich an vil velsen

der widerwertigkeit ganzerkloben so aber die na-
türlich bewerung wil auch für an fabel gehalten wer-
den ist not das die götlichen offenbarungn die niche-
felen mügen wansy entspringen aus den brünend hei-
ligen Triueltigkeit eingesetzt werden.

Das sechste Capitel von d dritten bestätigung der vorgesagten ding auf den him- lischn propheceyen vnd offenbarungen.

Er aber sach das die verspotter der hailigen
warhait das natürliche leicht irer grobheit hal-
ben auch nicht entpahen möchten die layten
den glanz ires glaubens in die himlische offenbarun-
gen die in Eainerlay weg auf dem vrsprung d' natur/
auf dem sy der menschlichen erdichtung des zweyf-
fels oder iersaln sunder auf dem Mör der ewign weiße
heit geslossen seyn so werde sy auf der klarheit diser
götlichen haimlichkeit die bestimpten trübselikaiten
genzlichen begreissen dan so allain ain Kirchen vnd
ain versamling ist in der ganzen welt darinnen der
war ewig got vñ schöpffer angebetet wirdt als ain
warer glaub der sich an dem gerechten Abel angefan-
gen hat vnd wirt weren bis an das ende der welt vñ
die selbig Kirchen wirdt von dem hayligen sant Grego-
rio genent ain gemainer weyngart gleicher weyß
als die ewig weisheit nennet das haus Israhel durch
den propheten Esaiam ain außerwelten weingarten
vnd die männer Juda das ist alle außerwelten die
zū dem dienst gottes versamlet ain lustigen samen
Darumb findet recht die propheceyen von der ewigen
warhait zū der beltzung vnd auffenthaltung der fru-
chtebaren weinstöck vnd zū aufreitung der disteln
d

in dem weingarten gottes auffgesetzte wordn. darum
die selbigen götlichn propheceyen durch Hieremiam
Esaiā Ezechielē vnd die andern propheten auffge-
sprochn werden / nitt allain auff die zeit der künigen
Israhel vnd Jude auff den Josiam Ezechia vnd die
andern gezogen vnd auffgelegt / sunder vff die gegen-
würtig vnd allkünftig zeiten / als offt der weingar-
ten ansacht zu dorren oder böß frucht zezbringen /
vnd sunderbar yetz so die laster den weingarten gätz
überzogen haben / das kain weinstock mer der gütten
werck darin gefundn wirt / mögen sy ganz biquem-
lich zu der bestattung der vorgesagten ding eingefürt
werden / Solayder die hoffart vnlauterheit gey-
zigkaitt vnd ander grausame laster in disem wein-
garten (das ist in der kirchen) überhandt genomeit
haben / was mag gewissers auf den hailign götlichn
propheceyen getzogen werden / dann der zorn des ewi-
gen weinzierels Jesu christi vnd die schwer aufreyt-
ung der disteln vnd der dörner / das ist diser laster /
durch hunger / krieg / pestilentz vnd ander plagen /
die er von ewigkait an der hauwen vnd schneydmess-
ser statt in der ausschnaitig der bösen frucht / das ist
der bösen werck gebraucht hat / als vns das an vil en-
den durch seynen götlichen mundt bezeuget wirdet /
Ich wil in dich einfürn hunger / krieg vnd pesti-
lentz an andern enden zügleicht er Jerusalem / das
ist die kirchen ainem brünnenden hafen / Darum hab
ich mir für genommen etliche propheceyen Esaiē vnd
Ezechielis zu merer zeugtniß vnd bestattung mey-
ner wort hierinnen zu begreissen / vñ wil an der prophe-
cey Esaye von dem weingarten ansahen.

Das sybent Capitel von der

sten zeugtniß des prophetē Esiae / do bestätet werden
die vngesetzte Christlichen gemaindn vnder dem form
aines weingartens / der so er güt frucht sol bracht ha-
ben / böß gebracht hat.

Die ewig weishait durch den müdt des hei-
ligen propheten Esiae ain solchemainig auff
gesprochn hat / Es ist mein lieb ain weingart
gemacht worden an dem horē Sime des öls / Vñ er hat
yn mit ain zaun vmbgeben vnd die stain darauf ge-
lesen vñ ain außerwelten weingarten darauf gepfla-
zett / Hat auch in seiner mitte ain thurn auffgebauwē
vnd ain weinreb darinnen auffgerichtet vnd ge-
wartet das er weynber bringen sol / Aber er hat schle-
hen bracht / disteln vnd dörner / Darumb wil ich den
zaun vnd die mauren zerreyssen vnd zerbrechen /
damit diser weingarten mitt den bösen fruchten zer-
strewet werde / zertretten vnd ganz öde / Er sol we-
der geschnaytet noch gegrüßet werden / sunder die di-
stelen sollen über yn auffwachsen / Ich wil auch den
wolcken verbieten / das sy weder raw noch regen dar-
über geben sollen / Hat nit die selbig ewig barmherzig
keit durch die wort die Cristliche kirchen verstanden
wollen werden / die durch den herren Jesum / das göt-
lich wort / die götlich leer / werck / vnd exempl ist auff-
gerichtet worden / An dem hören / das ist / in der höhe
der weyshaitt vnd des götlichen radts / Sime des
öls / das ist in d fruchtbarkeit aller gnaden vñ barm-
herzigkeit / Vñ er hat sy vmbgeben mit ainē zaun d göt-
liche vñ englischē verhüttig / mit d maire d zeugnissen

aller patriarchen vnd propheten/ der bestendigkayt
aller martter/ vñ des waren vesten glaubens der bey
chtiger/Hat darnach durch die hailign doctores Gre
gorii/Hyeronimii/Ambrosii/Augustinii/vnnd die
andern/die stayn aller kerzerey darauf gelesen/ Er
hat auch ain thuren des Ewangelischen gesetz/vnnd
Apostolischen leer/mitten in der kirchen aufshebawē
welche bis her kain grausamheit der tyrannen/kain
gewalt/kain trönnis/kain marter hat gewinnen mö
gen/vnnd ain weynbreß der hochwirbigen sacrament
darinnen aufgerichte/durch welche alle fruchtbare
safft der guten werck werden aufgebreßt Und in den
vesseren der götlichen belohnungen behalten Aber die
seces der sünden werden hingeworffen/den schweinen
der teüflischen verfüerungen/ Und er hat gewartet/
das die kirchen sol güt frucht bringen/der götlichen
lieb/diemütigkeit/teüschait/vnnd aller andern guten
tugeten/Aber sy hat disteln vnd dörner aller schalk-
heit/boschheit/vnnd vngerechtigkeit bracht/Darum ist
der herr erzürnet/wil den zaun vnd die mauren zer-
reissen vnd zerbrechen alle götliche vnd englische hüt
alle zier/allen gewalt/vnnd allen reichtum der Kirchū
alle götliche vñ menschliche gesetz/alle prophetische vñ
apostolische leken/aufsheben/damit die kirchen mit
iren bösen früchten/durch die bösen gaist/durch die ke
rer vnd haiden zerstrewet werde/zertreten vñ ganz
verwüstet/vnnd verddet/Sy sol nymer geschnayttet
werden/mit den schnaydmessern des götlichen worts
noch gegrubet mit den harwen d haissamen gehorsam
vnnd mit den schwefeln der götlichen rechtsprechung/
die dörner vnd disteln/alle laster sollen darüber auff
wachsen/Und von den wolcken kain feuchtigkeit mer
der einsprechung des hailigen gaists/vnde eingebung
der guten englen entpfahen/So sol von himel kaine

lay war der waren rew vnd layde noch Kainerlay rez
gen der zeeher mer darauff falln/sunder alle ding sollen
in der truckenheit der teüflischen blinthait vnd
verstopfung erschwelken.

Das acht Capittel von der zeugniß des propheten Ezechielis/ dar durch ange- zaygt werden alle trübsalitaiten der Cristlichen ver- sammlung v von der abgötterey wegen die der prophet vnder der gestalt des tempels Salomonis vorgesehen hatt.

Ber was böser frucht/ es sein disteln oder dor
ner/ diser weygarten des herren gewont hat
yetz lang züberingen ist vns der hailig prophet
Ezechiel klarlichen anzaygen so er vnder der gestalt
des tempels zu Jerusalē viererlay abgötterey/damit
die vier stende der Cristen besleckt sein/ pflegitt zu be-
greissen/wan sicher so er in der gestalt ansacht aufze
ichreyen/Ich sass in meinem haß/vnnd die alten von
dem geschlechte Juda bey mir vñ nembt war/die hand
des herren kain doselbst über mich/vnnd begriff mich
bey dem schopff meines haubtes/vnnd det gayst erhüb
mich zwischen dem himel vnd der erden/vnnd fürt mich
in dem gesicht/in die stat Jerusalem/vnnd ich sach in
dem tempel gottes inwendig bey der thür die was ge-
gen dem Aquilon/nach der anslegung der lerer/ist es
gewesen der Sal vnd der standt bey vñ rainigen/ai-
nen abgot/Darnach in der porten gegen mitternacht
in dem stand der rainigen/ain grossere gots belay-
digug/alle abgötterey des haß Israhel gemal et an-
wand/vnnd sibenzig alt männer stende vor dem ges-
mal/vñ gebent den rauch vñ das opffer den abgöttern
d ij

widerum in der porten des stands der priester vil ait
grausamer geschicht sitzende weiber/die da bewayn
ten Adoni dem den bulen der abgöttin Veneris. Vn
zu dem letsten die aller erschrocklichest missbrauchung
vnd gozlesterung etlich männer die anbetent die auf
gent Sunne begreift er am ersten der weltlichn ab-
Götterey vnd des gemainen mans/der sein narung
mit der hand vnd im schwaß gewinnen ist. Zum an-
dern die vermailigung der burger /der ratsherren/
der Rychter Pfleger Schatzmaister Künigen vnd
Fürsten. Zu dem dritten die bosheit der geweichten/
vnd am ersten der gaistlichen des mindern stands/ð
Accoliten Epistler Evangelier vnd der schlechten
Priester. Zum vierden die missbrauchung der Probst
Abt vnd Bischoffen. Die ersten die ir brot mit ð her-
ten arbaut pflegen zu gewinnen/ligent tag vñ nacht
sunderbar an dem hailigen feyrtag in ð fresserey vñ
füllerey/die anbeten den abgot Baal Cererem vnd
Bachum vnd den selbigen abgöttern bauwen sy an
allen enden gross tempel/ðz ist kostlich stuben zu essen
vnd zu trincken vnd spilen vnd richten auch etlich
altar darinnen auff/ðz ist etlich herdstet zum Kochn
braten vnd sieden den würgen sy ganz ochsen ab vñ
Felber vñ fahen an zu opfern iren abgöttern vñ das
lobgesang zesingen/das ist vnder ainander zu grey-
nen zancken schelten nachreden/ainader verlachn
verachten verspotten/got vñ alle sein hailigen lessern
vnd schmähnen den so sy in der grösten andacht sein
rausfen vñ schelte sy ainand vñ diser goz dienst endet
sich oft mit grosser auffrür mit erwürgen vñ erstechn
ain biud den andern/ð vater den sun/der ayden den
schweher. Die andern diemit dē stande/der eeren /dē
reichthum ð wirdikait golt vñ dem gewalt disen vor-
geen/anbeten nicht allain den abgot Baal sunð gó-

ter vñ götin on zal die hübschen haussfrauen die kist
der hübsche pferde hirschsen taghunde sperwer vñ
falcken golt silber dan etlich so die zaichen der erber
kait an den stirnen tragen wollen vnd sich weiss vnd
klug schelten lassen anbeeten künig vnd Fürsten vñ
brauchn alle geschlecht der zuschmaichlung lieblos
sungn zütragung falsch vnd vntrew damit sy d töd
lichen menschn gunst mer als die gnade gottes erwer-
ben. Die dritten seyn die gaistlichen in dem mynderen
stande die als die müßgeenden weiber die do pflegn
Adoni dem den bulen Veneris von des abgangs we-
gen der manlichen krafft zu bewainen tag vnd nacht
in diser sorgkueltitat verharren wie sy iren maister
den Priapum mit linder speys gutem süßem geträck
vñ mit kostlicher salbnernen vñ läg bey den kreftn
behalten mögen wenn es zum eebuch komen ist für
ander gelobt werden. Vn so dise Cupidinem den ab-
got der lieb gewont haben für den lebendigen got zu
ceren vnd anzeberen fleissen sy sich das sy nymer vo
seinem dienst abweichen für vñ für singen iubilyern
vnd spilen mitt Esfrauen Junclfrauen/ witz-
wen vnd Clunnen die letzsten sind die Prelaten Abt
vnd Bischoff die kerlen die rucken gegen dem tempel/
vnd anbeten die auffgeende Sonnen das ist sy legen
alle ire sorgn fleys vñ arbeit auff die zeitlichen zergē
etliche gütter versauument die götliche zier den gemai-
nen nutz ire schefflein vñ vnd tanen seel hail vnd zu
lassent in iren gebieten alleschand laster vñ bosheit
Darüb auffschreid die götlich rach riein aug wirt nit
übersehn ich wirt mich auch nicht erbarmen vñ so sy
mit grosser stimme in meine orn schreien werden wird ich
sy nicht erhören So wir dan nicht sollen von got er-
hört werden wie lang maint ir das sant Peters schif-
flein mag vnd so vil velsen ð tribals aufrecht bleibē

ergebē sein welche laster wachsen in ain grossen hau
fen des vnflats vñ werden wed durch das alter noch
durch den stande weder durch die aygenschaffit der
ceren oder wirdkaiten gemindert beleiben alweg in
den iungen vñ alten mānnern vñ frauwen in ainem
wesen. Und also das zu diser zeit von dem höchsten bis
zu dem nidersten von dem kindlin bis zu dem eltesten
alle ding mit der grōsten vnsauberheit besleckt vnd
vermayligt sein. Darumb werden sy gegeben werden
in die hende irer liebhaber das ist sy werden in dem
vnflat irer sünden mitsamt iren kinden das ist
iren wercken vnd die fruchten irer werck an leib vñ
seel verderben allain ir wollent den synne nach dem
būchstaben nemen das die weltlichen vntkeüschen mit
den Egyptiern vnd den Assiriern wie ermäldett ist
annemende der selbigen völker bōs sytten gewon
haiten vnd abgöttereyen vñnd haben mit ynen ges
mainschafft in allen dingen essen trincken reden
Elaidungen kauffmanschatzen als dann yetz nichts
gemayners bey den Christen gefunden wirdet von
den selbigen sollen geplagt werden vñnd solang byß
das alle bosshaiter öffnet aufgerechett sol werden
wan das möglich ist das gott ayn volk erwecke am
ende der welte vñnd in vñsere länden aufstrewe das
mitt es vñsrer schalckhaytt vñnd boschaytt strafe
vnd aufreütte in den vergangen zeyten an vil enden
oft vñd dick geschehen ist.

Das zehende Capitel von vierden zeugniß des Propheten Ezechielis do erzelt werden die trübsalen der gässlichn vnder der ge schalt der iungern schwester.

Ber durch die Elainer schwester gibt s herz
a re den gässlichn stand ziuersteen soer spricht
so das die iung schwester Doliba geschen hat
ist sy vil in grōßere lieb vnd bōs begirlikaiten gefallen
das ist sy hat grōßer esinden getrieben als die weltli
kaitt wan über das das sy vntkeüschat hat mit den
Egyptiern vñ Assiriern mit de Fürstern ambteute
vñ alle auffsteigern öpferdt haet sy an d wād gemalt
bildnissen geschen der Caldeer das ist der geyzigen
menschen die gestalt des golds vnd des silbers allen
form des wüchers vnd der symoney der lügen s fals
hait des falschaydes vnd aller vngerechtigkeit mit
welcher laster rayzung das gold überkommen wird
Sy hatt auch geschn die gleichniß der Babilonischn
sünen das ist die erdichtung des falsch vnderdrücku
gen der haligen warhaitt wie wen vñnd wayßen
damit sy mitt dem zeitlichen wiest erfüllt werden
über die Süne ist sy mit der bösen begirlikait irer au
gen wütet worden vnd so die selbigen feynd der tu
gent komen sein in den gemach irer brüste das ist der
verständlichen krafft vñ an die stat der verwilligung
haben sy ir die raynißtart genommen das ist nach der
verwilligung hat sy die werck auch verbracht darum
beriert die ewig rach die straff der gässlichen in dem
scheyn diser wort nimwar Doliba Ich wil alle dein
feynd dz ist alle dein sünde wider dich erweckn wel
che dir dein nasen vñ oren müssen abschneide dz ist sy
müssen dich beraubē aller deiner krafft s vernünftt
vñ des verstandes vñ was über bleibn wirt müssen sy
mit de schwert zerhawen dz ist sy müssen alle aufwen
dige entpfintlichkeit auch vo dir weg nemen dz du nic
wissen wirdest ob aber entpfindē wo du dich vo diser
nott hinwenden solst sy müssen dich dennocht ganz
entplossen dz ist aller guten werck vñ tuget beraubn
e q

vnd die vesser deiner glori gantzlich von dir auffhebn
das ist die verdienlikait der gütten werck vnd dar-
nach die belohnung der selben die ewig saligtait also
wirt dein bosheit geoffenbart wan du im weg dz ist
in der schalckheit vnd vngerechtigkeit deiner schwe-
stern gewandlet hast vnd du wirst allenthalbn ver-
achtet vnd verspotter vnd wirst deine brüst vor layd
zerreissen darumb das du mein vergessen hast vnd
mich ganz zurück geworffen Ich besorg wir das hai-
lig geschlecht versenken vnser hailigkeit offt in dem
tieffen flus der verlierung vñ verkauffen vnser weych
offt vmb ain klain gelt dennocbt vnder werffen wir
vnser leib vnd seel dem Teufel das wir vil pfriendn
vnd vil schätz besitzen mögen wölt ir aber den synne
nach dem buchstabem annemen das die geweychten
oder gaistlichen die bosheit diser volcker nachuolgent
die abgötter mer als Cristu eeren sein ist nichts ge-
wisserskünftig dann das der wüschte diser volcker et-
mann biß in das inderst gederm der Kirchen schleyche
vnd abschneyde ire nasen augen vnd oren vnd ent-
plöse vnd beraubes y aller irer gülten vnd zinsen des
gewalts vnd der mächtigkeit nemen alle zier der Kir-
chen Kelch vnd monstranzen wan das Mōre ist ver-
handen über das leichtlich aller vnflat der vnglau-
bigen (so got verhengen wil) in vnssere land komen
mag dennocbt so die selbigen nit her komen ist ir sa-
men verhanden die ketzer die ir wonungen schier in
der mittens Cristenheit pflegen zehabē Essein auch
vnser nachbauren gegenwertig diesich fleissen dē Kir-
chen altag ain federn zezeihen vnd dannocbt mit al-
lem fleisch mer arbeiten die Kirchen zu beschedign dan
zū reichen got der beste vñ d grōste wōl diser tyranen
vermessenhait vñ vnser schande vnd lasser durch sein
göttliche barmherzigkeit fürkomen.

Das aylste Capitel vonder
fünftzeugniss des propheten Ezechielis dar durch
offenbar werden die gōt belaidigung der Crislīchī
stānde in der gemain vnder der gestalt ains weibs
die arm geboren ist vñ von aim grossen man erzogen
vnd ernōret vnd zum letzten von ym zu einer eeli-
chen hauffrauē genomen worden die doch aller gū-
taten vnd anckbar sich allen männern mit dem eez-
bruch vnderworffen hat.

Jewol die vorgeschriven propheceyen also klar
w sein das sy von ainem der mittelmessig geleret
ist mögen verstanden werden yodoch die nach
uolgent Weissagung des propheten Ezechielis erklärt
die stānde der Kirchen ire mangel vnd widerwertigkeit
also scheinbarlichen vñ bedeutlich das kain kind ist
es möge ain sine darauffschöppfen wan er ist also sch-
reien Hierusalem das ist O du Christlich Kirchen
Ich hab dir gesagt du solt leben ich hab dir furwar
gesagt du soltest in deinem blut lebē das ist so vil ge-
sprochen so ich dich am ersten durch die leer das lebē
exēpeln vñ dz leiden meines angebornen Sunes Cri-
sti außgericht vnd erledige hab ich dich zu den ewigē
freuden gehailiget Vñ so du von den Tyrannen bist
zerknischet worden vñ durch allerlay marter zerissen
hab ich nit wolln das du in deinen trübsalen vergeen
soltest hab dich gemanigeltiget als den samen des
ackers vnd bist groß worden vnd mächtig das gesche-
hen ist zu den zeyten des grossen Constantini von
dem die Kirchen mit großem reyhtumb ist begabett
worden Vñnd du bist kommen zu der weyblichen vol-
kommenhayte zu den iaren darynnen du soltest ver-

heyret werden. Deine brüst sein gewachsen das ist die
michtikait vnd der gewalt. Vn dein bar ist gemeret/
Die gehorsam vñ eer erbietung. Du warest nackt vñ
bloß/betrübt vnd beraubt aller hylff vnd alles trostes
vmbgeben mit der Tyrauen grausamhait / vnd hab
mein kläder über dich gedecket / die englisch vñ men-
schlich beschirmung vnd deinscham verborgen vñnd
hab dir geschworen / hab auch ain geding mit dir ge-
macht / dz ist geschehen als ich sant Peter den gewalt
gegeben hab was er auff dem erdreich bindn wurde
oder aufzlösen das sol auch im himel gebunden oder
aufzgelöst werden / Ich hab dich gewaschen mit dem
wasser das ist mit dertauff vñ hab dein blüt geray-
nitget / das ist die erbsünde / Ich hab dich mit dem öll
gesalbet / das ist mit dem Krisem / Vn hab dich getlay-
det mit vil farben hab dich beschühet mit Jacincten/
Vn gezieret mit Seyden vnd Samet / deine arm mit
gulden Klainaten / den hals mit gulden halßbendern
Die oren mitt schönen heffelen / das haubtt mit ainer
Kronen vmbgeben / bist also mitt gold vñnd silber ge-
klaydet worden / das ist es ist nichts von den keit-
barlichen dingen der welt vnderwegen gelassen wor-
den mitt den / deine Bischoff König vñnd Fürsten/
vñnd alleire gelider nicht sein gezieret worden / über
das hast du gescßen die semel / das honig / vñnd das
öll / das ist von allen speyzen / von allem getranck /
vñnd von allen zeheten das best / Und hast also auff
genomen / das du byß in die höhe aines Künigreichs
gestigen bist / Und dein namen ist aufgangen in
alle länden von deyner hübsche wegen / wann in der
zier / die ich auff dich gelegte hab / byßt du also volko-
men worden / Aber du hast ain hoffnung in dein schö-
ne gehebet / das ist in dein schein der eeren vñnd glo-
ri / des reichtums vnd des gewalts / darumb hast du

dich mit dem ebruch / allen fürgenden vndergewor-
fen / das ist du hast dich vermychett mit allen ver-
kerern vñnd vnderdruckern der haylichen göelichen
gebott / vñnd zerstörern aller göelichen zier vnd glori-
nit allain mit den bösen Cristen sind / Juden hayden
vñ kätzern gemainschafft haben aller handlungen /
So hastu meine kläder genomen / vñ deine abgötter
damit gezieret / dz ist vñ den gylten vñ zinsen der Kir-
chen übest du alle eytele ding / o hoffart vnlauter hatt
geyzit ait vñ aller wollustigkeit aitn des leybs / du hast
auch die vesser deiner zier genomē der manlich bild-
nißsen vñ den Klainaten o Kirchē werde die tisch o Für-
sten vñ Künigen gezieret vnd die krieg vnderhalten
den ebruch vñ all gozlesterungen gefürdert / vñ hast
mein öll vnd mein wolgesinck für sy gelegt / das ist
du hast auch das opffer / das almüsen mit den snöden
weiben verzert vnd nach allen vermailigung hastu
nicht betracht die tag deiner iugent / So du nackt bist
gewesen vñ betrübt / zerknischt in deinem blüt / durch
dieschworen durchechtungen vñ gaislungen / so im an-
fang der Kirchē vñ den tyraunischē Kaisern geschehe
sein / Du hast dir auch ain frairwenhaus gemacht in
allen gassen vnd in allen wegen hastu das zaichn dei-
ner vñfeisch aufgesecket / Ich scham mich für war / ich
schä mich die warhaft außzusprechē / Ich besorg man
syndt sovil frauehüser in den stöttē als vil o gewey-
chte pflegē darinen zuwone / Vn so vil wiegē in unserr
heißern als vil bücher darinen gefurden werden / Da
rüb so die Kirchē mit solchē vñflat vmbgebe ist vñ ver-
mailiget ermeldet o herr die gaislungen die er darü-
ber wil komen lassen sprechende / Ich wil meine hande
über dich aufrecken / dz ist mein göelicher ach / vñnd
straffe / vñnd wil von dir aufscheben alle göetliche ge-
rechtigkeit / das Kayn rechtē warhaftiges vrtayl
e iij

Das neunde capitel von der

dritten zeugniß des propheten Ezechielis/darinne
angezeigt werden die straffen bayder stende/der welt
lichen vnd der gaistlichen/vnder der gestalt zweyer
schwestern/die ire ce gebrochen haben/am ersten der
weltlichen.

Derumb kombt der prophet bald darnach in
ein ander grausam missbrauchungen vn̄ gott
belaidigungen/mit welchem baide stende der
weltlichen vn̄ der gaistlichen vermayliget sein/er erdf
net auch die plagen vnd peinen/so von solcher bosheit
wegen über die Cristenheit kommen sollten/also schrey
ende/Es sein zway weiber gewesen/ainer muter toch
ter/die haben ir ee gebrochen/in Egypten do sein tre
brüst vnd die iunctfrewlich zier missbrauchet wordn/
ir namen sindt Dolla die grösser/vn̄ Doliba die klay
ner/Dolla die grösser hat angefangen in der lieb der
Assirier mit Jacincten geklaider der Fürsten/vnd
der ambtleut der iunglingen/der begin vñ aller rey
ter vnd auffsteiger der pferde/versenkt vnd wüttent
zeverden/vn̄ sy ist mit irer unlauterheit befleckt vor
den Dennoch hat sy die eebuch/so in dem Egiptische
land verbrachte ist worden nicht verlassen/darumb
hab ich sy gegeben/in die hend irer liebhaber/in die
hend der Sūnen der Assirier/von welcher unkeusch
sy dan ist wüttent wordē/die selbigen habn ire schand
Geoffenbaret ire Sūn vnd Töchter genommen/vn̄ die
mutter mitt dem schwert erdtötet/what mag Elers
dem schein diser rede gefunden werden/what warhaf
tiger diser mainung/We we der Cristenheit/Es sein
sicher baide stende/der got geweycht ist worden vnd
gegen der gaistlichen/vnd auch der durch disen/got

widerumb sol personet werden der weltlich/mitt aller
vnsauberheit des eebuchs beflecket/vnd führen den ee
buch in Egypten/das ist in der vinsterniß der bösen
gewissen/vnd des verkehrten willens/übertreten sy
die heiligen geboe gotes/vn̄ abweichn̄ geztlich vom
weg der warheit vnd der gerechtigkeit/daselbst wer
den ir brüsst die vnschuld des gemüts vñ die keuschaie
des corpels/von der schnöden sunnligkait/vnd den
vichtischen begirlikaiten des flaisches missbrauchett/
vnd die iunctfrewlich zier/das ist/die funcklen der
scham/der erberkeit vnd frumkeit/vn̄ aller andern
tugenten/werden von den flüssen der beweglikaiten
des gemüts ganz aufgelescht/Aber Dolla die grösser
schwester/das sind die weltlichen/wan̄ ir vil mer sein
als der gaistlichen/ist ganz wüttent worden/in der
lieb gegen den Assiriern das ist gegen den Sūnen d
hoffart/vermessenhait eytel eer/berümung vnd anch
barkeit/lieblosung verspottig herzinnität/vntrew
vngehorsam/scham des guten gleyßnerey/vnd alle
vngerechtigkeit/welchhe laster also gemain sein wor
den/das auch der aller minsten tugent nicht vil ges
dacht/wir det über das brinnet diese schwester in der
lieb d Fürsten vñ der ambtleut/das ist in den schwä
ren sünden die/in den heiligen gaist geschehen/wan̄
es ist laider darzükumen/das nicht allain einer von
dem andern Cain straff wil auffnehmen/sunder auch
wo einer den andern verhindern vnd ganz vnrayn̄
keit der iunglingen der bösen begin/das ist/in bayd
geschlechten vnd verschaidlich manlichen vñ weiblichn̄
Vnd in aller Reiter vnd auffsteiger der pferd/vn̄
aufflechlichen flammen/das ist/in allen geschlechtn̄
vnd gestalten der unkeusch/in der aigen rayzung zu
det unlauterheit/dem eebuch/iunctfraw schwieg
missbrauchung mit den gespanten freunden/vn̄ die got

mer gesprochen werden alle dinng durch gunst / sch
marchlen vrtail falsch vnd listen gehandlet werden
Es wirt wider dacellende der waysen nach die trübs
salitayten der witwen / der Richter herzen berüren /
Ich wil dich geben in die hende der / die dich hassen
Hör ain wort du hüre / Ich wil entplössen dein scham
vnd alle menschen werden deine schindigkeit sehen /
Ich wil dich gebn in der hende / die dz blut vergießen
die selbige werden dein frauwēhaus zerstören / vñ dir
deine klaid ab dē hals reissen die vesser deiner zier weg
nemē vñ dich nacket. blos vñ betürbt verlassen sy wer
den dich verstainen vñ mit dem schwert ertöden / vñ
deine heroser mit dem feür verbrennen / Alsdān wirstu
aufshören zu unkeüschen vnd dein ee zerbrechen / Ich
möcht ander propheceyen noch vil mer einsüren aber
so die widerwertig künhait diese verwerffen ist möchte
sy die andern auch verdammen / darumb wil ich das
ende vmbfahen.

Das zwylste Capitel vondē beschluß der erzelten trübsalitaieten.

d. Arumb so dem also ist / es begegnen so vil of
fenbarlicher zaychen am hymel vnd auf er
den / so vil scheynbarlicher anzaygungen der
verenderungen / so tapffer zeygen der menschlichen /
vñ gödlichen vorwissenheit / so haben sich vil der trübs
salität yetz längst angefangen / darauf die warhaint
vñ die gewissheit dō vorgesagten ding mögn klarlichen

abgeromen werden wöllent wie ich im annfang er
manet hab / erreachen vnd auß ganzen krefftē / ver
fügen / damitt die gantz gaystlichkeit / vnd alles
volck euerer verwaltungē / mitt den pantzern der hö
chsten andacht / vnd der ynpünstigen lieb / dem hel
men der göttlichen forcht / vnd mitt den schylten der
hayligen hoffnung / bayn / rören der sterct / mitt den
schwertern / des hayligen Creuzes / mitt den facklen
der waren rew / beycht / vnd buß / darnach mitt dem
geschiitz einer güten vorbetrachtung / fryd / aynis
kait vnd hylff / vnd radt / anainander gewapnett
sich außmachen / disen vngesellen / vnd göttlichen
straffungen zübegegnen / schnelligtlich in das velde
der versündigung göttlicher gnaden vnd barmherzig
kait / aufzycchen vnd den streyt des gebeug / vnd der
an dechtigen anrüssung des namen Christi / vnd der
iunctfrauwen Marien / vnd aller gotes hayligen /
durch euch selbst ansahen / ewer vnd des ganzen him
lischen heres feynd / die bösen sytten vnd gewonhay
ten / den eebnich / bezwingungen der Junctfrauwen /
witwen / vnd waysen / vnd der gaystlichen perso
nen / die berey / rawberey / mörderey / den aygen nutz /
den wücher / vnd alle andere laster / mitt den waffen
ainer löblichen Reformacion / verenderung / außses
zung vñ verkerig aller ding zu besten erlegen vñ ver
tilgn / Zum letzten nach dō überwindung diser feynd /
alle scharen vnd versammlungen der priesterschafft vñ
des volcts / mitt starcken hailsamen bolwerken zeü
nen vnd mawren / der verharting vnd staten übung
gen der tugenden vnd gisten werken vmbgeben / Alsdān
wirt nicht allain das reych / sunder die gantze
Christenheit von den widerwertikaiten erledigett /
vnd im zeitlichen als hoch als im gaystlichen erhebt /
dennoch mögt ir durch den weg kommen an die ende /

do alle die den gemainen nutz betrachten vñ gemerete
haben / mit Cristo leben vñ herschn̄ in dē höchſt̄n thron
der hymel ymer vñ ewiglichen Amen.

Also hat ain ende dieses buch
lein / welches durch mich den
üngern Hans Schönsberger
Gedruckt zu Augspurg vñnd
ſlicklich volendt ist.



